

左恪靖侯奏稿續編

恪靖奏稿續編卷三十九目錄

官軍搜捕餘匪獲勝摺

督軍進駐靜甯片

覆陳安插陝回片

遵旨覆陳派兵前赴肅州摺

官軍進剿大勝奪據康家巖要隘摺

餉源中竭懇迅催協解摺

徐占彪啟程赴肅片

官軍搜捕餘匪獲勝摺

奏爲中南兩路官軍搜捕餘匪疊獲勝仗恭摺馳陳仰
祈

聖鑒事竊臣於六月十四日將中路官軍勦賊獲勝暨
搜捕西山零匪情形附片馳陳並聲明檄飭各軍上緊
搜捕各起零匪在案茲據固原提督雷正綽記名提督
周紹濂陝甘道黃鼎報稱周紹濂調知逆目李文虎楊
白成等竄至距半角城百五十里之磨盤水地方混入
米包山撫回楊萬春金忠明等股內正籌辦聞忽於六

月初八夜聞李文虎率逆騎數百由西山東竄雷正綰
周紹濂黃鼎各率所部馬步隊伍出擊初九日黎明至
苦水泉尾果見逆騎陳窺官軍攔頭截勒鎗轟矛刺斃
賊甚多賊敗潰反奔追至五家山李文虎率黨死拒官
軍奮力齊追斬步賊七八十名馬賊三十名轟斃者尤
眾周紹濂所部生擒李文虎楊天朝等八名雷正綰黃
鼎所部生擒賊目馬二楊耳環子等數名奪獲騾馬百
餘匹餘賊紛紛潰竄追之不及訊據李文虎供稱五月
初六日由河州帶馬隊九十名出竄到楊萬春處休糧

今日候伏楊萬春楊百成金忠明一併在內等語臣查
李文慶楊天朝馬二楊耳環子等逆均係逆誅積匪批
簡正前正法梟首示眾楊萬春金忠明等就撫復叛罪
不容誅飭令迅速勦辦以昭炯戒雷正綰周紹濂十一
日會軍繼進分道直搗米包山一帶賊巢官軍齊抵米
包山賊猶未覺卽縱隊痛擊搜獲旗械號衣軍火甚多
巢賊無得脫者其先時出巢劫掠之賊百餘名聞警回
擄又經官軍擊敗獲牲畜百餘頭訊生賊供李文虎眷
口尙在河州本日官軍所殺皆楊百成楊萬春金忠明

丁萬明之黨內有馬化澼戚屬譚竹林亦已伏誅此各軍追捕西北逸賊續復勝仗情形也又據提督楊世俊稟稱駐三陽川之奇捷平西營務處副將楊德俊探知秦州平南川有馬步賊東趨甘泉寺即帶馬隊三旗會同連考生隊尋踪追擊十一日於秦州麻山頭地方始與賊遇馬隊斃賊數十奪騾馬器械甚夥追奔六十里至麥積巖兩山峻削對立賊急棄馬上山官軍亦改步齊登斬賊數十名奪馬數十匹餘賊鼠竄因天晚雨驟覓地暫憩十五日黎明追七十里至梨子園又斃尾賊

數十名此股略盡矣訊據生擒賊供鞏昌回目劉洪逃
走河州後茲夥繞由安定潛來謀劫糧運現已死亡大
半劉洪亦經官軍陣斬又駐渭東之平西營都司王勇
於十五日調知賊與平西後營接仗卽出隊馳剿至汪
家衙與後營夾擊賊卽敗退追二十餘里斃賊多名奪
騾馬七十餘頭旗二桿鎗矛數十件餘賊四散生擒賊
目閻得順馬遇隆訊係小頭目馬五所帶已爲官軍擊
散此楊世俊所勦竄秦州之回及在渭源所屬汪家衙
擊賊獲勝情形也同時提督張仲春亦探有步賊百餘

竄至閻井一帶卽出隊向馬塢鎮截勦該逆聞風折竄
岷州適岷之副將張登桂於十五日帶隊來駐洛門領
糧遇賊於岷屬大坪賊方伏山凹似圖劫運張登桂分
隊搜勦斃賊十餘名奪騾馬十餘匹賊遂狂奔十六日
竄至駐馬塢六十里之百家莊張仲春卽於二鼓潛師
掩擊五鼓抵百家莊乘賊酣睡將全股圍斬殆盡奪牛
馬二十餘匹器械旗幟甚多十七日探知前在禮縣屬
擊敗之賊百餘騎又由西河境繞道固城有竄馬塢之
勢張仲春飭信營回駐馬塢自帶禮義兩營躡擊賊見

官軍卽飛向馬塢竄去官軍夾擊轟斬不計其數奔驟
馬四十餘匹矛桿二十餘枝賊翻山亂竄時已四更矣
山霧冥蒙不辨行徑次日探之則已紛紛逃竄無踪遂
於廿日回防此宗岳各營勦賊岷屬獲勝情形也其階
州勦辦緝匪情形臣已於六月十四將三四月內攻拔
段世才李奎石巖洞各處堅巢陳明在案茲續據署階
州知州洪惟善稟稱縣丞李支瑞探得史家溝有窩藏
緝匪踪跡卽親率隊伍馳往搜捕匪目史夢虎遂竄匿
何中幅堡中並恃其黨趙金幅夥同助逆李支瑞商請

哨官彭得沅周正秋賀俊德等率隊於五月初五日抵何家溝傳諭何中幅令其縛匪平堡繳械免死該匪竟敢抗拒官軍鏖戰自辰至申始將後卡攻破斬匪八名奪劈山礮線鎗數件而前卡懸巖峭壁力無所施逐日輪攻互有傷損初十日該縣丞令各隊執擋牌直抵卡外積薪縱火當毀卡前礮樓匪勢益形窘蹙十一日五更潛竄出卡官軍圍擊斃悍匪三十餘名生擒要逆趙金幅等數名起獲大礮三座線鎗八桿刀矛數十件牲畜十頭獲趙金幅供史學虎已於前兩月逃往白馬關

詢設世才踪跡則堅不吐實當將該逆正法並移知白
馬關州判嚴拏史學虎訊辦此階州勦辦紹匪獲勝情
形也臣惟中南兩路疊次追勦擒斬頗多勦辦紹匪亦
多擒馘惟首逆狗齒牙馬彥濫及紹匪匪目史學虎等
尙未就戮現仍飭確探迅勦務盡根株所有勦辦零星
回賊並攻拔紹匪堅巢疊獲勝仗各緣由謹彙案據實
陳明伏乞

皇太后

皇上聖鑒訓示謹

奏同治十年七月十二日

督軍進駐靜甯片

再鹽固一帶零匪經疊次搜薙所餘無幾惟數十騎一起十數騎一起者西山以內倏隱倏現時復有之緣地關山荒煙日絕少零賊見兵卽逃轉盼無蹤搜捕難於求速也臣現咨雷正綽撥所部馬步九營分紮固原迤北至中衛南境飭平慶涇道魏光燾撥所部馬隊一起步隊五營延紮固原迤南至平涼旁接隆德以資雕勦而護餉運現已到防記名提督徐文秀已進駐會甯劉

明燈已進駐安定 臣拜摺後卽率親兵進駐靜甯州到
靜甯築營後當卽率輕騎馳抵安定狄道一帶察酌情
形督令諸軍分道速進所有微臣啟行日期理合附報
伏乞

聖鑒謹

奏 同治十年七月十二日

軍機大臣 字寄同治十年七月二十日奉

上諭左宗棠奏中南兩路官軍搜捕餘匪疊獲勝仗並
率軍進駐靜甯各摺片雷正綰等軍追捕西山逸賊擒

斬賊目李文虎等多名楊世俊所部截勦秦州竄回並在渭源所屬汪家衝擊賊獲勝將回目劉洪等陣斬其紛竄岷州之賊亦經張仲春等督兵截擊擒斬頗多至階州縉匪亦經該處員弁率隊進攻破其卡壘奪獲悍匪數十名卽著左宗棠嚴飭在事各軍認真搜勦並將存逃首逆狗齒牙馬彥澄及縉匪史學虎等悉數擒獲淨絕根株左宗棠進規河州現今雷正綰撥馬步九營魏光燾撥步隊五營分紮固原南北各路以資雕勦而護餉道令徐文秀駐會甯劉明燧駐安定該督自率親

兵進駐靜甯所籌均尙周密卽著於行抵靜甯後馳赴安定狄道一帶察看情形督率諸軍分道速進擒渠掃穴迅奏膚公以慰厯係將此由五百里諭令知之欽此

覆陳安插陝回片

再金順張曜等前解陝回六百餘名赴靈州安插據駐金積堡提督蕭章開署靈州知州王翔稟報已分地安插矣察看現在各處遷徙安插各回民均尙安靜守法閒有漢民藉詞報復者已飭府縣隨時懲辦斷不令仍蹈惡習致啟衅端上煩

歷慮謹據實覆陳伏乞

聖鑒謹

奏
同治七年七月十二日

軍機大臣 字奇同治十年八月初一日奉

上諭左宗棠穆圖善豫師奏碾伯剿匪獲勝南川被匪竄擾左宗棠穆圖善奏堵擊西甯賊匪各摺片覽奏均悉陝匪崔三等竄擾碾伯之勝番溝等處並撲碾城經官軍連日進剿將賊擊退平戎一帶肅清勦辦尙爲得手在事尤爲出力各員著左宗棠等查明保奏該逆全股焚壘而遁究竟竄往何處著左宗棠穆圖善豫師嚴飭各軍探明賊踪合力搜捕務絕根株逆首崔三是否實係擊斃著該大臣等確查具奏西甯逆匪四出竄擾

雷洞等處雖屢經擒斬匪勢仍屬蔓延左宗棠務飭派出官軍分投剿辦迅掃逆氛並檄飭總兵黃武賢嚴密布置務將威遠一帶完善之地妥籌保全至金縣平番及省城附近各隘著穆圖善令帶兵將弁實力巡防毋稍大意成祿在肅州收撫陝回潰叛東下甘涼二府戒嚴著左宗棠穆圖善卽飭王仁和等加意防勦如兵力尙屬不敷並著左宗棠酌量撥兵策應陣亡之金縣圖總四品銜楊增全著交部從優議卹西南南川一帶村莊時被賊匪焚掠豫師以兵力難分已函商左宗棠撥

軍助勦卽著該大臣酌撥得力隊伍前往協助豫師卽
飭練總張煥奎先行派隊救援以資保衛甯靈一帶雖
經肅清惟聞甘涼回匪勾結西南漢回屢擾平番古浪
等處日久無可掠食或出古浪之大靖土門越中衛而
出邊或由鎮番竄出邊外肅州之回亦時由金塔寺出
邊竄擾若不預籌堵截恐各匪紛紛北竄必致滋蔓難
圖刻下大軍進規河州若以一軍分紮鎮番金塔寺等
處斷賊出邊之路以一軍駐紮平番扼西南賊匪出竄
兼護秦旺川糧運俾大兵專力河州免致牽掣似於局

勢較爲周密著左宗棠酌量情妥籌辦理將此由六百
里各諭令知之欽此

軍機大臣 字寄同治十年七月八日奉

上諭左宗棠穆圖善奏回匪竄擾北山官兵截剿獲勝一摺北山秦旺川一帶產糧最廣現值收穫夏麥之祭該匪時出竄擾雖經各路官軍截剿獲勝惟據生擒賊供有米拉溝撤回勾結陝回二千餘人分股回竄意圖搶糧等語尤應先事預防力爲保護左宗棠穆圖善督飭各軍分路確探何路有賊向何路截剿務期護民收穫勿齎盜糧穆圖善現已馳往北山著即相機調度並將該處駐紮馬隊重加整頓以期得力將此由六百里

各諭令知之欽此

遵

旨覆陳派兵前赴肅州摺

奏爲遵

旨覆陳仰祈

聖鑒事竊臣於七月二十五日欽奉

寄諭據總理各國事務衙門奏俄國西悉畢爾地方官
由綏線致該國駐京公使信函內稱七河省巡撫廓派
兵前赴伊犁五月十七日將伊犁代爲收復等語並聞
俄人尙欲帶兵前往收復烏魯木齊本日已諭令金順
奎昌等查明確實情形並令榮全前往收回伊犁城池

妥籌布置合景廉帶兵相機規復烏魯木齊矣成祿本
係烏魯木齊提督著卽統率所部出關與景廉會合力
圖收復所有該軍餉需著戶部遵照前旨迅速查催並
寬爲籌撥以資餽騰肅州一帶關係緊要著左宗棠迅
卽調派勁旅前往扼剿竄匪替出成祿一軍出關勦賊
毋得以兵力不敷稍形推委劉銘傳所部已諭令鼓行
而西繞赴蘭州北路由甘涼肅一帶出關節節前進爲
收復新疆各城之計左宗棠身任兼圻本應統籌全局
況鎮迪一帶係該督所轄尤當妥籌兼顧諒該大臣必

能力任其難以紓朝廷屢至穆圖善如有可撥之兵並
著會商左宗棠酌量調派以資厚集欽此臣跪聆之餘
曷勝欽佩以隴中局勢論自宜先規河湟杜其紛竄然
後豈意西指分兵先扼玉關斷其去路乃策全功此時
興師遠舉尚非穩著然此時固有未可拘執者臣接奉
諭旨已飛緘穆圖善詢其能否派隊一面咨劉銘傳酌
定進兵道路一面飛飭記名提督哈西巴巴圖魯

賞穿黃馬褂徐占彪統所部馬步十二營由靖遠防所
取道蘭州踰涼甘兩郡以抵肅州緣徐占彪勇敢能戰

所部多百戰之餘尙堪當一路之寄而該軍餉事已經
清算臣復擬資以兩月滿餉莫可收飽騰之效其餘占
處所遺靖遠防務甚關緊要臣已檄飭蜀軍統領黃鼎
派營員張玉文統帶移駐合併陳明所有遵
旨派撥情形謹據實覆陳伏乞

皇太后

皇上聖鑒訓示謹

奏

軍機大臣 字寄同治十年八月初八日奉

上諭左宗棠奏派軍前赴肅州一摺新疆軍務朝廷本
欲俟甘肅大定次第籌辦此時勢難置爲緩圖前令劉
銘傳一軍由甘涼肅一帶出關昨據覆奏河湟未靖轉
餉艱難江皖之人又不宜衝寒涉遠該提督仍請賞假
護病業已有旨賞假一箇月在營調理一俟病體就痊
卽令督率所部前赴肅州屯紮毋庸出關以便成祿等
一意西行惟關外事機緊迫劉銘傳須俟病痊再行拔
隊前進尙恐緩不濟急朝廷正深焦灼茲據左宗棠覆
奏遵派提督徐占彪所部十二營由靖遠取道蘭州實

能力顧大局該軍既堪當一路之寄著卽飭令迅速前進不得因有劉銘傳屯紮肅州之旨稍涉遷延一面咨催成祿先行部署一俟徐占彪到後卽令成祿拔隊出關並將起程日期奏聞肅州防勦事宜卽責成徐占彪妥爲籌辦將來劉銘傳到肅後亦可商同布置成祿現在出關糧餉最關緊要該軍雖有轉撥之餉深慮各省未能如期解到左宗棠亦當代爲籌畫隨時接濟俾利師行本年正月間據奎昌等奏稱綏來等處民團可用當諭令左宗棠或派員出關或飭口外鎮道妥籌安撫

該大臣究竟如何籌辦倘派往之員因道路梗阻未能
西行即可隨同徐占彪大隊赴肅並與成祿一同出關
將該處民人加意撫綏務使各團樂爲我用以收指臂
之效將此由六百里諭令知之欽此

官軍進剿大勝奪據康家山要隘摺

奏爲官軍分路進剿大獲勝仗奪據康家山要隘恭摺
馳報仰祈

聖鑒事竊蘭州車行驛道東由會甯靜甯隆德出平涼
以達陝西馱行閒道東南由秦州以達陝西而安定綰
鞞兩路居其衝要頻年回氛蹂躪受害最酷東道因之
不通臣宗棠於七月二十九日由靜甯率輕騎取道會
甯八月初二日馳抵安定接見統領後路全軍提督徐
文秀統領左路全軍提督劉明燈詢商一切知隘固甯

靈一帶敗殘回逆及鞏郡土著各回皆寄眷屬於河州
各賊巢分起四出剽掠每數十騎爲一起避兵而行騷
疾如風伺便行劫不但商旅文報常有梗阻之虞卽餉
糧軍火亦時防疏失自渭源狄道克復後河州諸賊出
巢剽掠必由洮河西岸三甲集渡東岸康家巖然後分
竄金縣安定會甯或東趨鹽固或北擾靜遠是安定爲
賊跡出沒之衝途而康家巖又賊踪必因之津要比卽
定議徐文秀一軍由安定西北巖口出金縣稱鉤驛以
達站灘劉明燈一軍由安定東南馬家河韓家坪出關

門口內官營抵站灘與徐文秀合隊以攻康家岩初四日各營先發初六日徐文秀劉明燈由安定拔營繼進令每進一處各派隊分支包掃而前驅賊併歸康家岩然後聚而殲之初七日徐文秀途遇竄遁之賊救起揮軍縱擊斃賊數十名搗賊目馬得雲等二十四日總兵陳海俊副將陳締高同時掃花峴子伏賊斬賊數十擒賊目武邦賢等十五名均訊明正法初八日由好麥川揚婆廟一帶躡追而前登嶺瞭視羣賊馬步約二千餘正紛紛竄走徐文秀麾所部各營分途截擊斃賊百餘

至沙合嶺大雨收隊是夜雪霰交飛初九日冒雪馳抵黃石坪去站灘四十里人馬疲困不能前進詢悉由黃石坪逕抵康家崙路較捷遂改道不赴站灘之約初十日逾馬寒山至下營子則距康家崙僅三十里矣其劉明燈一重初四日由馬河一帶向西北折而南趨沿途略有斬獲是日抵柳林溝十一日寅刻劉明燈令總兵黃宏藻劉正高參將楊正茂各帶所部由三十里鋪新田鋪沿洮河東岸前進飭參將殷得益都司鍾鳴鳳參將羅瑞秋副將鄧得勝由大營坪斜抄而前徐文秀率

總兵鄭守南參將劉仁和由魏家河出賀家溝總兵沈
玉遂率陳縉高陳汝俊由大營坪出東溝合攻康家巖
是日巳刻行距康家巖數里逕薄賊卡堡賊千餘見官
軍逼近出卡抗拒徐文秀列隊迎擊而陳縉高等已由
東溝抄出賊後矣康家老巖堡中復出步賊數百來援
姚西騎賊二百餘亦渡河助勢徐文秀令鄭守南陳汝
俊陳縉高劉仁和等分支兜擊陣斬悍賊二百餘名步
賊縮退入卡馬賊見勢不支急上船西渡正爭渡間官
軍薄之溺斃無數卡賊憑牆放鎗死拒弁丁傷者數人

軍士愈憤罵麾而登立破其卡斃賊約三百人生擒賊
目哈章布等五名餘賊退入大堡劉明燈一軍是日甫
出柳林浦口卽遇馬步賊數百揮隊擊之斬賊數十賊
敗入新田鋪合守卡賊併力穩抗適股德益鍾鳴鳳羅
瑞秋鄧得勝等從大營坪橫截而出賊敗狂奔各營奮
威衝殺陣斬百餘名賊退入康家新巖及孫家堡劉明
燈率馬步各營蹙踪壓迫立將兩堡攻破斃賊二百餘
生擒十一名餘賊叫號亂竄各堡賊亦相率潰奔併入
康家大堡其渡洮西竄者均逼入急溜中溺斃無數徐

文秀劉明燈兩軍既合卽下令布圍康家大堡及各小堡分撥前定大堡內賊穴牆衝出各堡賊亦皆棄堡向洮河亂竄官軍分途追逐沈玉遂王前程橫出截殺斃賊最多計是役破大小莊堡十餘處陣斬溺斃之賊約二千數百名徐文秀劉明燈卽分據康家新嚴孫家堡康家大堡立營訊據生擒賊供賊首馬爾和哈然麻已斃於陣矣十三日派隊搜山至距康家嚴二十里沙碾子地方復斃賊百餘名溺斃無數此官軍連日冒雨進剿踏平康家嚴莊堡奪據要隘實在情形也竊維康家

殿在洮河之東距省城百數十里距狄道州五十五里對岸十里卽三甲集雖屬狄道轄境而實河州門戶由三甲集而西卽太子寺大東鄉等處均逆回麴聚之所洮河西岸山高逕險賊勢亦較中左兩路爲重必過河立營然後可戰必架造浮橋然後可渡現值秋霖疊降霜雪交加之時萬壑爭流岸闊溜急狄道架橋船隻纜索均已製造齊全康家殿則尙須併力經營乃可集事一俟水退橋成卽當渡洮進剿臣穆圖善十六日來安定與臣宗棠籌商機宜意見相同旋卽回省布置謹合

詞馳報伏乞

皇太后

皇上聖鑒訓示施行謹

奏同治十年八月二十九日

餉源中竭懇迅催協解摺

奏爲餉源中竭危局難支懇

恩迅催協解以利戎機而免決裂仰祈

聖鑒事竊維西征協餉奉撥之數本不敷用而各省閉
除江西閩海關外均解不足數以故積欠纍纍至今已

一千二百萬兩辦理西征糧臺待講學士袁保恆目覩
艱窘情形函咨並達穎禿脅焦不得已請

旨嚴催蒙

聖明前鑒諭飭各省關新舊並籌各省不但新餉無增
卽舊餉亦多延不照解臣軍所收協餉祇有此數而穆
圖善豫師及甘肅舊有各軍營餉需均須由臣軍墊給
且閒有本

旨飭西征糧臺墊撥之款臣軍餉事來源日蹙銷路日
增而兵事則局事愈寬待用愈急以故向章每二各營

發三箇月滿餉上年僅發兩箇月今歲則端午中秋尙
未能發卽年節一關尙未卜何如矣此本軍士應得之
餉銀然有則速發無則緩發諸將士諒臣有素或無異
詞惟糧食鹽菜衣袴巾履醫藥則生人日用所需決難
斷缺非時其緩急源源支給慈父且不能保其子將帥
安能蓄其士卒哉且陝甘頻年兵燹子遺僅存往往數
百數十里人煙斷絕新復之地非俵給牛種賑糧則垂
斃之民勢將盡填溝壑各省克復一郡縣收一處丁糧
釐稅甘肅克復一郡縣卽發一處牛種賑糧非是則有

土無民

朝廷亦安用此疆土他如城池宜修地方宜設官採糧
轉運軍裝宜設局已撫回民宜給賑所有薪俸經費賑
務師行一處卽增一處之需而皆仰給於而臣不敢列
款上請不得不於軍餉挹注早爲補救此皆陝甘兩省
官吏士民所共知者金積底定進規河湟甘肅局勢雖
有轉機而臣憂慮方深正以協餉不時至臣軍出款目
增入款漸減必將有不能敷衍點綴之勢竊不得已飭
上海採運局臣等商籌借銀六十萬兩約以各省協餉

到上海時分期扣還復刊行印票拮發各處糧價訂期
四十日六十日持票取銀聊資周轉如踰期無銀應付
失信商民則並此亦不能行矣撫臣蔣志章稔知窘情
於無可籌畫時慨允飭司庫借提銀十三萬兩候餉到
歸款暫雖借此敷衍然上海借款僅資應付印票轉運
費用及撥還陝西庫款臣軍餉事仍是茫然恐大局決
裂終所不免伏查各省奉撥之款皆部臣總核各省出
入數目的量指撥原非強以所難疆臣心存體

國誼在奉公如果易地以觀則協餉似亦不催自急合

無仰懇

皇上天恩申諭各督撫關差仍遵前

旨按照欠數力籌新舊並解以濟急需而措危局不勝
迫切待

命之至至各省協款欠數若干西征糧憲開單具報在
案部臣無難按籍而稽內如安徽一省經前署撫臣吳
坤修籌定指撥有蓄之款吳坤修卸任後即停止不解
而所派西征金運昌一軍由臣籌墊餉銀十一萬兩贖
催解還一置之不答揆之情理似有未合河南一省月

協甘餉二萬五千兩數年之久僅解過兩次積欠至一百四十萬有奇上年冬間欽奉

諭旨提解積欠十萬兩該省僅解過兩萬兩而下欠八萬兩竟不復解撫臣有無畛域之見臣不敢知藩司劉齊銜曾任陝西道員襄理軍需局務於甘肅窘迫實在情形不得諉爲不知而職守一分即便悍然不顧亦實非大局所宜此尤臣不能無言者也謹一併據實陳明伏乞

皇太后

皇上聖鑒訓示施行謹

奏 同治十年八月二十九日

軍機大臣 字寄同治十年九月初十日奉

上諭左宗棠穆圖善奏官軍進剿獲勝奪獲康家岩要隘一摺左宗棠由靜甯島甯馳抵安定察看地勢賊情知安定爲賊踪出沒之衝途而康家岩又賊踪必由之津要督飭徐文秀劉明燈各軍分路進剿疊有擒斬乘勝合圍將康家岩莊堡全行攻拔殲賊匪二千數百名陣斃賊首馬爾和哈麻然官軍即分據康家新岩等

處立營以扼衝要現值秋深水退之時左宗棠務當飭
令前敵各營迅架浮橋渡過洮河節節攻勦迅奏膚公
穆圖善與左宗棠籌商一切意見相同現已由安定旋
省即請將省城防守事宜妥爲布置左宗棠諄催各省
協餉一摺已諭令各該督撫等迅速籌解矣將此由六
百里各諭令知之欽此

徐占彪啟程赴肅片

冉徐占彪馬步十二營遵

旨前赴肅州臣於前月二十七日拜摺後卽飭駐陝軍

需局籌備兩月餉需以資襄帶復飭甘肅軍需局酌將
甘涼兩府屬運省糧石分別劃留以便支領一面飭徐
占彪來營將欽奉

寄諭宣示並詢商一切徐占彪尙能體會毅然請行於
本月二十四日率所部馬步九營移駐蘭州金家巖候
餉據駐陝軍需局稟已與陝西軍需局湊解銀四萬三
千兩俟在途協餉續到立即補解大約九月初旬徐占
彪一軍可由蘭州起行矣其留靖遠之提督黃虎臣三
營俟道員張玉文接防卽由靖遠逕赴蘭州會隊前進

欽奉八月初八日

諭旨已恭錄行知徐占彪矣至奎昌等奏稱綏來民團可用前奉

諭旨後已飭口外鎮道妥籌安撫迄今尙未接其稟復近接各軍稟報滿州撫回復叛成祿力不能制紛請派援成祿兩報亦同之徐占彪兵到肅州卽有戰事委員暫難出關也謹附片覆

奏伏乞

聖鑒訓示謹

奏 同治十年八月二十九日

恪靖奏稿續編卷四十目錄

出力員弁兵勇策案保獎摺

辦理糧餉各員請獎片

各項差使出力員弁請獎摺

董福熙等請照原獎片

陶生林請開復原官原銜片

請獎陝西良回劉秉信片

官軍先後渡洮迭獲大勝摺

追剿河州竄賊獲勝片

各軍追剿零賊平慶鹽固一帶肅清片

回日具稟投誠片

奏調譚鍾麟赴陝甘練習邊務片

出力員弁兵勇稟案保獎摺

奏為蕩平金積堡稟肅肅清及中路官軍勦辦回土
各匪疊次獲勝出力員弁兵勇稟案保獎仰祈

聖鑒事竊臣前奏報金積堡賊巢概行平毀馬械概行
呈繳首要各逆概行誅斃肅肅清同治十年二月初
二日奉

上諭左宗棠等奏平毀金積堡賊巢首要各逆伏誅肅
肅肅清出力各員請獎一摺其餘出力員弁准由左宗
棠彙案保奏等因欽此伏查前於同治八年八月二十

九日奏報官軍勦辦中路土匪張貴一股迅就肅清現
籌會勦北路回逆請將在事出力員弁彙案保獎一摺
奉

上諭左宗棠奏官軍進勦中路土匪漸就肅清一摺所
有尤爲出力之陝安道黃鼎著交部從優議敘餘著照
所議辦理九月三十日會奏官軍進勦北路回逆獲
大勝一摺奉

上諭左宗棠奏官軍會勦北路回逆連獲勝仗請將出
力各員獎勵一摺勦辦甚爲得手其餘出力員弁著准

其擇尤保獎毋稍冒濫九年正月初八日會奏中路官軍截勦竄匪大獲勝仗一摺奉

上諭左宗棠奏中路官軍擊退竄回一摺勦辦尙爲得手在事員弁勇丁尙屬出力並准左宗棠擇尤保奏六月初八日會奏官軍截勦自陝折竄回匪疊獲大勝情形奉

上諭左宗棠穆圖善奏截勦陝省回竄賊匪獲勝一摺在事各員尙屬著有微勞自應量予獎勵其餘出力員弁勇丁著左宗棠等擇尤彙案保奏毋許冒濫七月十

八日奏中北兩路官軍攻勦回巢擒斬首要各逆會勦
金積老巢一摺奉

上諭左宗棠奏中北兩路官軍勦賊疊勝現籌會攻金
積老巢一摺攻克堡寨出力各員著左宗棠彙案請獎
八月二十四日奏中路官軍攻勦逆回奪取峽口并攻
克堅堡擒斬逆獲勝一摺奉

上諭此次中路勦賊官軍尤爲出力員弁兵勇准由左
宗棠專案保獎以示鼓勵十二月十一日奏報馬家灘
堡王洪堡次第平毀陝回就撫首逆馬化澂就擒現在

籌辦情形一摺奉

上諭所有在事出力之員弁兵勇著該大臣於事竣後
奏請獎勵各等因欽此 臣維逆回馬化澂踞金積與區
倡行新教煽惑愚民久懷不軌之心世濟其惡以逆案
言之則乾隆四十五年四十九年以後第三案以輿地
考之則唐之靈武宋之西夏明之河套皆其故土也然
從前馬明心蘇四十三田五等逆案發覺當

國家全盛之時逆節初萌卽行撲滅此則蓄異謀者三
世根柢盤深蔓延各邊塞勢欲彌廣於斯而言誅夷遷

徒事體較難宋於元昊經營將及百年未能得要領明
於河套被擾數十年禍結兵連雖屢僂將帥而患仍未
熄其地之險可知唐時安祿山之變肅宗卽位靈武郭
子儀李光弼用靈武之眾掃除長安宮闕其地戶之強
可想此次由晉渡河懸結延屬境逕抵吳忠堡正當河
套全境亦西夏故墟生平土匪十數萬繼剽堅堡五百
餘而爲時僅止一年有餘南軍用之於北與漢李陵提
荆湖步卒五千北擊匈奴均古今不常見之事昔唐中
葉用靈武之軍平朔方之賊此更捲南方之甲平西北

之戎尤爲變局北路中路諸軍於時艱餉絀時愈戰愈
奮雖死傷山積屢失大將人心震駭時堅定不搖卒能
拔除隱患建此殊功非感

皇仁淪浹之深何以致此臣閱各路統領呈開請獎清
冊詳加覆核雖人數較多不忍少有掩抑謹覽爲收錄
以示激勸亦俾後世知

皇威丕振超邁前古而人和之效粲然可觀有如此也
至歷年採辦轉運製各局差遣員弁皆能盡心職事克
濟費需非尋常勞績可比謹另摺彙保其擬保監劄于

總以下各弁照例咨部註冊所有此次在事出力文武
員弁勇丁均請免填考語請列清單恭呈
御覽合無仰懇

天恩俯准甄錄以敘前勞而策後效伏乞

皇太后

皇上聖鑒訓示施行謹

奏 同治十年九月初九日

辦理糧餉各員請獎片

再三品銜翰林院侍講學士袁保恒經臣於同治八年

奏派辦理臣軍西征糧台袁保恆自辦理台務以來因

臣軍餉需絀乏實在情形皆所目覩於各省關協款隨時斟酌緩急分別奏咨催提又於陝西省城所設甘指局暨各省分設捐局均壹意妥爲籌畫總司稽核三載以來任怨任勞得集巨款俾臣壹意馳驅免虞牽掣其籌辦車驟督催轉運靡不盡心籌措力任其艱由其勇於任事而才識闔遠又足以濟之也據該學士自稱世受

國恩分應竭誠圖報不敢仰懇獎敘然勞績卓著實有

未可掩抑者合無仰懇

天恩將三品銜翰林院待講學士袁保恒

賞加二品頂戴遇有應陞缺出儘先題奏出自

聖裁又二品頂戴湖南補用道王加敏總理駐鄂陝甘
後路糧台製辦軍裝器械轉運糧餉軍火殫心籌畫悉
臻妥善而於餉項出入尤能酌盈劑虛力求撙節與臣
共事有年深稔其樸幹廉明爲一時所僅見布政使銜
福建補用道胡光墉設局上海購運西洋軍火鎗礮轉
運東南協餉每遇軍用艱鉅餉需缺乏之時不待臣絨

牘相商必設法籌解以維大局相應請

旨將二品頂戴湖南補用道王加敏

賞給從一品

封典布政使銜福建補用道胡光墉該員前已捐請從
一品

封典請

旨賞給正一品

封典以昭激勸又留陝補用知府沈應奎總理駐陝軍
需局凡西征糧台上海採運局等處揀解軍餉軍裝軍

火器械等項到局皆由該守酌量緩急分別撥發一切
井井有條預計餉需短絀卽早爲籌措俾要需得免缺
誤至督催各路採運軍糧以及製辦各項軍裝器械數
載以來殫誠竭慮勞怨不辭而精白一心卽委各員無
不敬其廉明服其敏決卽撫臣蔣志章亦深嗟異之合
無仰懇

天恩將留陝補知府沈應奎免補本班以道員留於陝
西遇缺題奏在陝西得一能事之監司在臣軍得一實
心之良助其裨益實非淺鮮謹附片具陳伏乞

聖鑒訓示施行謹

奏

同治十年九月初九日

各項差使出力員弁請獎摺

奏爲彙保蕩平金積中北兩路各項差使出力員弁恭
招具陳仰祈

聖鑒事竊維甘肅頻年兵燹千里爲墟糧餉軍裝靡不
取給他省而道途險阻事理繁難尤非東南諸省可比
轉運採辦各局遍地報豈非實心奉公廉能耐苦之員
不足以勝繁劇而任艱險然有志之士無不爭赴前敵

軍營以圖自効至於後路差使翻覺委任乏才臣因多方激勵許以經理無誤當與前敵一體論功而後鼓舞奮興軍用無缺茲據各台局查明出力員弁開單前來臣覆加審核雖間有與部章所謂尋常勞績保獎不符者究與各軍營已有區別除旂員驍騎校以下漢員干總以下各弁咨部註冊外所有各項差使出力員弁均係不避艱險實力奉公與尋常勞績不同開列清單恭呈

御覽仰懇

天恩免其分別註考

准予獎敘以昭激勸實於西事大有裨益伏乞

皇太后

皇上聖鑒訓示施行謹

奏
同治十年九月初九日

董福祥等請照原獎片

再都司銜五品軍功董福祥都司銜張俊李雙良經臣
於同治十年正月奏報金積各巢概行平毀首要各逆
概行誅夷肅靈肅清案內隨摺請保董福祥以都司補

用並

賞戴花翎張俊李雙良均以都司補用並

賞戴藍翎又於五月奏報官軍搜剿疊獲勝仗案內隨摺請保都司銜穆進善王益萬請以都司補用均經奉旨允准各在案嗣准兵部咨稱以董福祥張俊李雙良穆進善王益萬均係虛銜保獎實官數與定章不符所保官階應請撤銷另獎分案同日奏奉

諭旨依議欽此等因欽遵知照前來臣維董福祥張俊李雙良等前因禦回力竭無家可歸迫而爲匪經已故

提督劉松山收撫後令其隨赴前敵効力自贖該軍功
等深知愧奮每遇戰事身先士卒進功金積附近一帶
堅巢屢受重傷疊次擒斬悍逆多名數載以來勛勞卓
著核其戰績本應早爲請獎又穆進善王益萬本屬回
民既知自拔來歸復導引官軍擒斬要逆經臣委帶旌
善營馬隊戰功卓著勞績最優今若將其保案遽爲撤
銷何以示鼓勵而策將來合無仰懇

天恩俯准將軍功董福祥仍以都司補用並

賞戴花翎都司銜張俊李雙良均仍以都司補用並

賞戴藍翎都司銜穆進善王益萬均仍以都司補用
飭部註冊出自

鴻施逾格理合附片具陳伏乞

聖鑒訓示施行謹

奏 同治十年九月初九日

陶生林請開復原官原銜片

再前署甘肅肅州鎮總兵提督銜記名過缺補用總兵
陶生林擅離職守並有應行查辦案件前經臣於同治
九年六月初八日

奏請革職擊問同治九年六月十五日內閣奉

上諭左宗棠奏請將擅離職守之總兵革職擊問一摺
署甘肅肅州鎮總兵陶生林到任年餘毫無振作且有
吞賑捐糧等事上年九月間假巡閱營堡逗遛高台旋
復稱病求卸署任不候批准輒赴左宗棠軍營稟請投
効實屬荒謬已極陶生林著卽行革職擊問交左宗棠
審明從嚴參辦該部知道欽此欽遵恭錄到臣遵卽將
陶生林飭發平涼府逐款研訊確供詳請核辦嗣據詳
覆據陶生林供稱同治八年春間肅州難民待賑甚急

糧石無可籌辦惟義勇食糧尙可挪用當卽酌提解赴
舍佛寺等處設立粥廠使難民就食自四月至七月共
用糧一百七十餘石嗣因義勇糧食缺乏親赴高台支
領詢知甘州提督楊占薰有另撥肅州賑糧一百石尙
存局中當卽領出因高台糧價貴於肅州卽將糧石變
價解回買糧撥歸義勇所虧七十餘石尙待彌補實無
吞賑之事肅州自收復後陸續募設馬步守兵僅二百
四十餘日應領糧一百餘石自同治七年十二月至八
年七月只發過倉斗糧一百石實欠糧六百八十餘石

全賴東挹西注設法支持且所募兵丁半係回民有糧發給尙慮滋生事端何敢刻指同治七年十二月除夕兵丁求糧度歲因兵糧向係肅州州署籌撥卽遣弁往詢據稱無糧可發比因時屆歲暮兵丁需糧甚急深恐借端滋鬧不得已向營弁借錢百千分給各兵以圖息事此肅城人所共知豈有遣兵圍署索糧自取罪戾之理任所眷口係於六月派人送赴蘭州陶生林巡閱高台因患吐血在彼醫調係九月間事日期相去已遠且當時肅州撫回尙稱安靜無所謂警何得謂聞警撲妾

朱逃至來平涼大營稟見一節實因肅州之事難以籌
辦意欲面求指示有所遵循惟未奉批示卽束裝前來
冒昧之罪所不敢辭等供具詳前來臣當飭甘肅軍需
局司道逐款詳查嗣據詳稱查明代理肅州知州李元
嘉所稟陶生林吞賑措糧等事俱無實據與陶生林所
供大略相同案應擬結惟擅離職守罪有應得時當前
敵攻勦喫緊臣卽飭其馳赴老湘軍隨同勦賊効刀自
贖嗣據劉錦棠牘稱陶生林到營以來隨同攻勦每戰
必先陣斬逆目多名異常奮勉實屬勦勞卓著懇爲

奏請開復前來臣維西事方殷需才孔亟陶生林自派
赴前敵迭著戰功尙知奮勉現復經臣派令營帶左路
馬隊隨同進攻河州深資得力合無仰懇

天恩將已革署甘肅肅州鎮總兵提督銜記名總兵陶
生林開復原官原銜留營差遣出自

鴻施理合附片具陳伏乞

聖鑒訓示謹

奏

同治十年九月初九日

請獎陝西良回劉秉信片

再陝西良回軍功劉秉信前於同治二年陝西撫臣派
其論撫華渭逆回被賊裹脅上年自拔來歸後臣察其
誠心就撫人亦明白飭令安平涼大畝溝一帶是爲陝
回投誠之始上年官軍圍攻金積時馬化澂賊陝回環
駐塞外資其捍蔽而被圍日久飢困異常回民多思反
正臣遣劉秉信將陝回老弱婦女拔出鎖圍以廣

皇仁並飭除馬化澂父子兄弟死黨不准收撫外其餘
陝回准分別辦理劉秉信奉諭前赴金積宣布威信三
日內拔出老弱婦女數千其悍黨覘知官軍無盡屠回

族之意盡繳馬械相繼來投由是馬逆膽喪多弘旋卽
隻身赴營就補劉秉信於此案實屬著有微勞且自安
插以來開導大谷滿各回民奉法惟謹遇有案犯地方
官飭其查辦徇無徇隱亦屬曉事應懇

天恩賞給該回目四品翎頂以爲傾心向化者勸謹附
片具陳伏乞

聖鑒訓示謹

奏
同治十年九月初九日

官軍先後渡洮迭獲大勝摺

奏爲官軍先後渡洮攻克要隘連破壘卡百餘疊獲大勝恭摺馳報仰祈

聖鑒事竊臣等於八月二十九日將奪據康家崖要隘造橋濟師各緣由馳報聲稱康家崖在洮河東岸對岸十里爲三甲集三甲集正西爲太子寺三甲集迤西稍北爲大東鄉均逆回麇聚之所爲河州門戶示渡洮奮擊破此要隘無以扼河州之吭而制其命無折岸峻溜急人力難施急切不能成此要工殊深焦灼八月廿一

日令提督傅先宗楊世俊將造成船隻於狄道先架浮橋緣狄道對岸地勢寬坦又北距賊巢尙隔山溝數重非若三甲集岍峻溜急又正對賊巢爲賊所必爭也二十二日傅先宗楊世俊各督所部臨河放船牽纜橫渡岍南抵岍卽派營過河築壘二十三四日橋工成二十六日傅先宗飭提督彭國忠四營渡洮營於西坪二十七日楊世俊飭提督張仲春以宗岳四營渡洮營於三義河飭游擊何建威以四營渡洮營於陳家坪山頂每官軍渡洮結壘賊時以零騎數十或百餘往來窺伺然

一擊便走不肯戀戰也唯陳家坪山巔立營時賊以其
與三甲集集穴漸逼二十八九日亦於黑山頭築四壘
七卡守之又於大坪山紅莊連築數壘與黑山頭賊壘
互相連絡其高家集胭脂山亦皆添築賊壘以防狃道
官軍九月二十二日賊糾高家集各股分撲官軍營盤
均經擊退敗賊二百餘名是夜四更有賊千餘潛襲彭
國忠營彭國忠謂知之先伏精銳於營盤左右山溝賊
至伏發斃賊多名十八日傅先宗楊世俊會攻高家集
傅先宗率所部田西平以進楊世俊率所部由西平山

梁進何建威率所部由楊家嶺進立將當路十數卡一律踏平賊皆望風潰逸師抵楊家嶺西邊黑山頭賊壘出賊來援總兵敖天即擊走之乘勝破紅莊賊營一座十九日仍分三路疾進步卒整隊排行馬隊分左右抄擊立將高家集八營一徒踏毀賊縮退高家集大堡傳先宗楊世俊令步軍合圍堡賊以馬隊遮隔援賊甫將大堡外木柵拔毀參將廖嵩鼓勇先發中礮殞命將士憤甚四面猛附而上立克高家集大堡分兵平毀新集子埔平川吉家山各莊堡計兩日內殺賊二千餘名

生擒馬玉等二十一名軍前正法其紅山各賊壘亦以次攻破二十六日楊世俊攻馬家集克之斃執紅旗衣賊目一名餘賊鮮得脫者遂向草灘前進行至中途瞥見騎賊一起從西馳至卽設伏截之擒騎賊十餘名而奪其馬餘賊驚覺突圍竄去訊之生擒逆賊供稱竄去者爲甯河賊目馬五馬沅亮及悍黨數十名楊世俊率所部策馬疾追立將馬五馬沅亮及餘逆悉數生擒而還馬五因傷重不肯行已於軍前正法檻送馬沅亮來安定臣宗棠親提訊鞠馬沅亮供本名馬格力布卽上

年狄道陣擒巨目綽號張飛之弟在甯河充阿澤管回
眾二千餘此次因探葑台消息被擒比經斬決梟示此
狄道各軍八月二十二日至九月二十六日返洮晷破
賊巢擒斬要逆實在情形也方備先宗楊世俊兩軍之
架橋渡洮也且等會商狄河逆回悍黨盡踞三甲六太
子寺大東鄉固宜設法渡洮痛剿然不先由狄道出師
牽制賊勢令賊備多力分既非先其易者後其節目之
義且其時雨雪連旬洮河旋消旋漲康家崖近岸之處
洲渚縱橫尤可鳧水而過然正溜掃西岸邊家灣鄧家

灣而下水而雖僅數丈深可滅頂人馬不能踰越且康
家崖對岨山脚直插洮涇卽得達彼岸亦無列隊之處
賊又於岸邊掘壕數道伏匿其中開鎗抵拒勇士爭渡
不得往往被傷實爲非策擬俟洮流漸落再議架橋而
諸軍急於赴戰必欲力爲其難八月二十八日提督徐
文秀劉明燈親赴狄道接取新造船纜順流而下駛過
鄧家灣賊壘副將喻友才參將殷德益爲鎗子所中登
時殞命幸各營隔岸競開劈山礮將船纜搶獲捉歸東
岨得免損失斃賊亦多九月初一日鳧水衝渡攻集隔

听礮台弁勇淹死者三十餘名受鎗礮傷者十餘名適
臣宗棠派營務處前福建布政使王德榜道員朱明亮
帶親兵兩哨察着形勢到康巖列隊助剿開洋鎗測準
轟擊斃賊約二百名賊復由皮船分渡巖上下游及沙
泥站等處圖劫運道初七日徐文秀率隊擊之值賊由
洪濟橋渡過沙泥徐文秀調各營劈山礮轟之擊沉賊
船一隻斃賊多名十一日徐文秀劉明燈見水勢稍退
議挽纜牽船搶過河灘築壘賊出大股排列河干徐文
秀等見賊勢團聚連放開花大礮斃賊極多並開放礮

絲後膽大礮轟坍對岸礮台一座賊紛紛駭竄軍士攔
船牽纜乘勢急進卒以水深溜急不能徑渡廢然而返
十七日賊由上游柳林溝口偷渡經總兵黃宏藻擊退
擒斬多名副將睦金城被賊飛子洞穿左脅登時殞命
二十三日總兵楊芳桂赴蘭州運糧回營所部參將楊
其昌率步隊百餘由沙峽迎護中途遇伏力戰陣亡弁
丁從死者七十餘名徐文秀劉明燈所部游擊邊得貴
參將楊正茂擊賊新田舖劉明燈率馬隊襲賊鄧家灣
東均獲小勝此康家崖各軍八月二十七日至九月二

十七日屢次搶渡未遂互有勝負實在情形也徐文秀
因水勢漸落船橋終不能成憤甚稟請由狄道過浮橋
從黑山頭橫搗三用集臣宗棠深韙其議然康崖對岸
及沙泥站以下一帶洩西渡船約二十餘隻皮船更多
不勝數皆賊有也官軍繞狄道浮橋以登彼岸雖勝算
可操然黑山一帶賊壘林立官軍踰溝數重仰攻已難
設師期稍滯而賊乘船競薄東岸留防兵力已單尤非
妥策因飭暫輟此行飭王德榜朱明亮率臣營親兵千
餘名益以提督陳廣發副將凌春台步隊兩營提督陶

生林馬隊一營於距康巖六十里站灘間道過狄道浮橋以趨入羊溝並飭調楊世俊宗岳數營以厚兵力飭傅先宗率所部力攻黑山頭以掣賊勢飭劉明燈預備柳林溝架橋飭徐文秀預備康家崖架橋如見王德榜師出八羊溝則列隊東巖以待二十九日王德榜率數十騎由站灘先行過楓樹灣突出回逆自叢薄間衝出刺傷數人下馬王德榜測準發鎗連殪二賊正相持間大隊馳至賊始駭逸旋派隊搜山擒斬三十餘賊訊供此起乃甯河回黨聞頭目馬格力布檻送安定伏此以

圖劫囚也十月初一日王德榜朱明亮由狄道過浮橋
楊世俊調宗岳軍親率馬隊同進連日審看地勢見黑
山頭賊壘憑高俯瞰官軍仰攻非便惟石鼓墩與黑山
頭共一山梁官軍立壘於此據賊之中則左掃黑山右
掃邊灣均爲得勢初五日五鼓潛師夜起王德榜楊世
俊派宗岳營總兵高登玉親兵營總兵鄧榮佳副將余
起立各率所部上石鼓墩槍紮兩壘適值風霧四塞賊
不辨官軍多少未敢徑前撲犯比壘成霧散賊以大股
來撲官軍憑牆轟擊斃賊無算黎明賊以一股圍撲石

鼓墩營一股踞山腰徐文秀等於隔岸遙見官軍已到石鼓墩乃卽列隊架橋搶渡山腰之賊飛赴邊家灣堡助守王德榜揮隊截之其圍攻石鼓墩營之賊見勢不支亦微圍來援官軍分途縱擊勇氣百倍朱明亮怒馬衝鋒手刃三賊陶生林繼之高登玉鄧榮佳余起立從石鼓墩山壓下台攻邊家灣賊壘破之徐文秀劉明燈揮所部搶過西岸立成三壘隨隊助剿斃賊無數初七日傅先宗率所部由石鼓墩進攻黑山頭各壘王德榜分宗岳兩營及親兵兩哨助之而自率親兵八哨及陳

廣發凌春台陶生林等營會同徐文秀攻鄧家灣三甲
集賊眾見鄧家灣被圍急喊悍黨萬餘由山梁紛馳來
援王德榜朱明亮徐文秀劉明燈一面分禦援賊一面
緊攻壘賊鎗礮刀矛層遞轟刺鏖戰兩時許賊屍山積
立將鄧家灣賊壘攻破援賊敗潰不可止馬隊沿岸掃
蕩步隊上山躡追愈戰愈奮遂將三甲集鄧家灣附近
各村堡一律破除擒匪供稱逆目謝頭號王海發均斃
於陣傅先宗攻黑山頭之軍探悉該逆緣岡結壘縣巨
二十餘座其西南又與新路坡紅馬家賊巢相連緝類

仰攻允防牽制因飭王得勝設伏蓮花山遇新路坡尋
處援賊飭何建威率所部攻黑山中梁爲中路彭國忠
率所部繞入羊溝出黑山之南攻其前敖天印張德勝
率所部攜鋤鋏循樵徑去黑山之北襲其後自率所部
爲中前路援應其石鼓墩赴黑山頭之路爲匪掘斷峻
峭難登又守以堅壘惟飭石鼓墩兩營作進攻之勢以
綴其力部置後衛枚各發四更時中前兩路皆抵賊壘
鏖雷轟賊死拒歷兩時許何建威拔幟先登破其第
一卡守賊墜壕鼠竄彭國忠朱運廣亦督隊猛進繼破

左右兩卡各壘之賊以黑夜未出天明均悉銳來援傅先宗插隊衝突正酣闕間赦天印已攀藤緣磴從山後壓下賊咸驚愕傅先宗突入賊陣手刃悍逆二名賊慌亂不及入卡四散奔潰各營風馳電掃立將黑山頭寨延數十里大小賊壘悉數剷平陣斬匪黨五百餘名獲騾馬礮械甚夥其新路坡之賊聞黑山頭礮聲於卯刻由蓮花山後擁至王得勝伺其逼近由山腰截出賊遇伏氣奪王得勝率隊總前擊之賊敗奔返巢擒斬亦眾初八日傅先宗留彭國忠所部兩營並建字兩營分紮

黑山要隘自率所部緣黑山後嶺搶上三甲集南山巔立營圍得黑山敗賊屯紮八甲口之內調馬隊向王家坪一帶沿河搜剿各村出馬步四千餘結陣負嶠提督丁桂智總兵王銘忠分兩路包抄賊分隊以應敖天印率隊由山巔壓下賊腹背受敵奪路分逃馬步各隊立將三甲集以西村寨土堡掃盪無遺王德榜初七日破賊後紮黑山迤南三甲集之前傅先宗因紮三甲集後以相犄角徐文秀劉明燈亦於初八日將康巖浮橋搭成劉明燈駐守徐文秀接紮趙家地聲勢均已聯絡惟

楊世俊一軍因胭脂三川油油溝等處尙有賊壘於初
七日五鼓率所部分三路進剿賊憑壘死守各弁勇填
溝銳進立破賊壘三座殺賊三百餘名生擒九名棄壘
逃者爲馬隊所蹙越山狂竄撤隊後接王德榜函會以
鄧家灣黑山頭皆經得手惟三甲集巨巢未下遂於初
八日率馬隊翻山南下與各軍合沿途截殺敗賊多名
初九日會攻三甲集王德榜未明亮率所部出其前宗
岳軍繼之楊世俊率馬隊沿河順川而進楊芳桂及楊
正茂繼之徐文秀率所部及尤成章橫掃而前賊遂

督果軍糧之傅先宗所部據山俯擊兼瞭遏援賊劉明
燈所部於水家溝沿河截剿黎明各路以次進逼逆首
馬占賢初猶登牆嚇黨防守鎗礮如雨繼以木石各軍
自隱猱升前者堅後者繼自卯迄未周麾而登馬占賢
雜敗賊中奪門向入甲口而逃各軍分攻康家口陽挂
各大小堡卡十餘所破之共焚賊二千餘名生擒百七
十四名奪獲鈔銀鑒山礮多件軍裝糧食無數官軍亦
有傷亡初十日徐文秀移紮三甲集餘軍分扼要隘此
十月初一日至初九日王德榜朱明亮以徧師渡洮會

合各軍踏黑山頭攻克邊家灣邱家灣王家坪剿除
胭脂三川油油溝各卡壘力破三甲集巨巢之實在情
形也十二日各軍攻破張家坪堡及大貝坪甘坪紅莊
張家灣各堡十三日劉明燈朱明亮攻破鮑家莊太坪
等堡十四十五等日諸軍進大東鄉口攻剿各賊巢擒
斬均多惟據各路馳報其戰事詳細情形應事續
奏竊維狄道河州夙爲回眾萃聚之所土著漢民不過
十之二三回民恃其族大丁多習爲盜賊漢民之弱者
供其役使謂之從教之戶其稍強不甘從教而勢力不

敵往往失業爲匪游掠他方所謂黑頭勇丁者是也又
一種撒拉回民居河洮西甯之間別爲風氣亦以剽掠
爲業百餘年來不受官司約束與河湟諸回互相勾結
承平無事時燕齊皖豫響馬劇盜多出其中此固不獨
甘肅應除之賊臣宗棠初到安定河州諸賊目紛紛上
稟求降而於繳馬械求安插諸務獨不一及比知其未
受痛剗賊心未死遂飭諸軍渡洮進剿茲幸連奪要隘
扼賊之吭斬馘共萬餘計足寒賊膽而快人心察看賊
勢由三甲集以西至太子寺雖賊壘林立而其眷屬死

黨均盡聚大東鄉一隅大東鄉在三甲集太子寺北周
百餘里山巒層疊路徑狹險賊以重利啖撤拉逆回誘
其助拒官軍非剋期數路冒險排進節節掃除不能確
操勝算現密飭傅先宗楊世俊先攻七甲集各壘卡道
搗太子寺留兵守之乃回攻大東鄉與諸軍分道並進
應可掣賊勢而速戎機此次諸軍分道渡洮將士猛列
異常每戰必陷陣爭先行列仍復整齊靜肅故屢次冒
險出奇而亡傷尙少一俟續報到齊臣等當擇尤隨摺
請獎以示鼓勵其巡視渡口陣亡之總兵銜副將駐金

城被圍陣亡之參將楊其昌均請

旨交部議給卹典首先登壘之副將銜參將廖高首先
搶渡之副將聯友才副將銜參將殷德益皆中礮登時
殞命該三員平日胆力勝人此次冒險爭先壯懷未遂
尤堪痛惜之至應懇

天恩交部從優議卹以慰忠魂謹合詞馳陳伏乞

皇太后

皇上聖鑒訓示施行謹

奏

同治十年十月二十

進剿河州竄賊獲勝片

再提督楊世俊張仲春在秦州等處剿賊獲勝情形臣
已於七月十二日馳報在案此股竄逆經官軍擊敗後
復分擾成德西和一帶雖經提督殷華廷田連考暨副
將王聲揚等分途截擊迭有斬擒而山谷叢錯道路分
歧敗賊竄伏其開時出肆掠當經臣飭殷華廷暨管帶
安左營副將張養吾分撥所部扼紮徽縣西南二十里
之富家鎮以防西成竄賊而顧徽兩運道九月二十一
日殷華廷調賊由成縣之西陳家莊向祈家壩竄走總

其由黃渚關出娘娘壩據我糧運一面函約駐秦之田
連考率隊會剿一面帶所部馳赴黃渚關一帶攔途截
剿沿途探知陳家莊竄賊已經湯聘珍派張養吾在所
家壩二郎廟等處擊敗困賊於白馬寺遂星夜趨行復
因山路崎嶇至成縣改騎爲步二十五日抵白馬寺會
商張養吾於二十七日五鼓出隊分兩路進剿黎明賊
見官軍猝至不敢接戰翻山向閣家河竄出適另有股
賊從西和竄來與之合賊斃漸張二十八日田連考率
所部抵閣家河商同殷華廷張養吾分路進剿二十九

日辰刻出隊賊方造飯未熟忽覩官軍掩至悉力抗拒
相持時許田連考率所部左右盪決陣斬悍賊多名紅
衣賊目一名賊眾大潰正追逐間右莊伏賊突出張養
吾率隊擊之賊敗奔上山各軍分隊齊登巖上拋石如
雨官軍奮勇衝殺賊眾辟易窮追三十餘里越嶺五重
計殺斃轟斃跌斃之賊四五百名獲駝騾牛馬三百餘
頭解散被脅難民數百人生擒回逆數十名訊明正法
漏逸之賊不過百餘而已此股回逆訊係河州悍回六
月內自甯河一帶竄出者各軍往來馳逐不分晝夜奮

勇追擊斬獲遂多實屬出力合無仰懇

天恩准由臣等入南路保案擇尤保獎以示鼓勵所有
南路官軍追剿河州鼠賊獲勝緣由謹附片馳陳伏乞
聖鑒訓示謹

奏 同治十年十月二十六日

各軍追剿零賊平慶鹽固一帶肅清片

再中路各軍剿捕西北逸賊獲勝情形 臣已於七月十
二日馳報並聲明馬彥濼狗齒牙尚未就殲仍飭確探
追捕在案嗣據固原提督雷正綰續稱據管帶旌善營

都司穆進善稟報八月初四日突有賊竄入北山穆進善會同民團乘夜擊之斬賊多名賊敗走三營雷正綰查係馬彥澄逆股營派左營提督陳義馳赴東山繞前截擊親率馬隊向北路追剿副將郎永清總兵李廣珠各率馬步繼之初十日追至毛渠井揮軍急擊陣斃悍賊二十餘名奪獲馬十餘匹正收隊間忽有另股步賊從山溝衝出郎永清挺身抗拒鏖戰半時李廣珠陳義趕到併力夾攻賊受重傷而逃十三日據參將李積慶稟同心城附近之李家岡有馬賊百餘竄過丁家二溝

強營總兵易元壽率隊迎剿賊至亢家灣是夜三更乘賊睡熟直前撲入殺十數人賊驚起格拒混戰逾時賊敗潰竄投山澗計殺賊五十餘名落巖死者不計其數奪獲騾馬五十餘頭刀矛器械百餘件官軍陣亡二名受傷十名而已據擒賊馬五娃供首逆金明忠楊百成由河州分出欲在米包山盤踞再竄東山等情訊畢斬之此雷正緒一軍進剿竄賊實在情形也賊敗後潛與馬狗二逆合股賊黨復添十三日由馬房川竄環縣之二十里溝環捷營副將王楚仁聞報恐賊內竄不及

調隊即率親兵百餘人往敗賊於途乘勝追殺六十餘
里至紅德城時已初更王楚仁聞賊大隊尙在火燄山
徑往襲之賊倉猝失措紛紛鼠竄官軍尋縱躡追殺傷
過當賊拚死回拒王楚仁身先陷敵連斃十數賊忽頭
中鎗子登時陣殞弁勇憤主將之死攘臂奮呼爭先殺
賊雖互有傷亡而士氣彌厲時前路提督甘大有派左
前兩營由野狐關來援賊聞追軍大至分途四竄其竄
入台水者數十人經總兵張福齊派隊會合防勇兜擊
於北谷廟岔頗有擒斬大股向靈州定邊狂竄因官軍

大興復由靖遠打喇堡乾密池適中之地潛逼雷正紹
派精選各營追之二十五六等日疊有擒斬賊匪入荒
山搜覓無蹤臣度賊不能東趨鹽固必西竄會甯急派
前福建藩司王德榜提督王衍慶督率親兵兩哨馬勇
一旗入山搜捕九月初十日誦賊由車道嶺向好麥川
竄走躡追及之鎗礮齊轟斃賊無數賊回馬抗拒我軍
再接再厲賊勢不支馬隊乘勝逐之賊紛紛墜崖而死
追殺數十里不見賊蹤而還是役計斃賊百餘人奪獲
馬械甚夥我軍僅陣亡勇丁一名旋據後路提督徐文

秀報稱水泉洪濟橋夜間有賊偷渡當派馬步追捕至
新店子遇賊百餘總兵沈玉濬鄭守南分頭迎擊鎗聲
紅衣騎目一名殲斃步賊數十名奪獲駱駝馬騾多匹
餘賊翻山竄去據擒賊朱二娃子供逆目馬姓由固原
一帶回竄河州巢穴當卽馬彥濬也臣查馬彥濬等逆
不過二百餘騎加以金明忠楊百成一股屢入亦不過
數百騎而往來驟忽一擊卽走隴北荒山廢堡極多最
易藏匿然無食可掠其必竄併河州無疑現據提督雷
正綰平慶涇道魏光燾及靜甯會甯護運各防營報旬

日以來後路並無賊警而河州大東鄉一帶添有賊蹤
片已飭渡化諸軍嚴密圍剿聚而殲旃所有各軍追剿
零賊平慶鹽固一帶肅清各緣由理合附陳至補用副
將王楚仁卽補都司余植欄楊振家奮勇殺賊力戰捐
軀應懇

天恩

飭部議給

卹典以慰忠魂謹附片具

奏伏乞

聖鑒訓示施行謹

奏同治十年十月二十六日

回目具稟投誠片

再陝甘軍務自金積盪平化平川安插周妥後威信既明回族均有求撫不得之意蓋貪生畏死與去危就安之情卽異類亦有同然也茲據駐化平川辦理撫務之記名道馮邦棟呈送化平川魚鱗戶日冊籍來營稟稱撫回閩興春陳林等二十餘名愈稱現得竄匿西甯之陝回崔三禹得彥白彥虎馬九兒鄒保和馬生彥馮

君葵哈連金等數十人來信羨其得所哀懇具保投誠
并央其寫遞稟詞臣閱該逆等求撫之稟詞意尙爲真
切並稱如有不誠心就撫者卽自行剝洗等語查崔禹
等逆現據西甯大小南川一帶距河州賊巢祇一河之
隔常飭馮邦棟傳知閻興春陳林等前赴西甯密諭崔
禹等如能先將眷屬送蘭州安置一面相機扼敵渡口
以遏河賊出竄之路方准收撫如更能設法直搗河巢
則不相免罪且惟敘功已於十八日遣令西行矣頃又
據提督楊世俊稟近因軍威丕振回眾所請收撫未便

概與拒絕一起爲陝回首逆揚文治之弟楊文彥八十餘戶一起爲葑台堡回目馬應林男婦三千餘口又從教漢民男婦二千餘口已飭盡繳馬械聽候安插此外乞撫者尙多臣惟驗其誠僞分別辦理以廣皇仁而利戎務伏乞

聖鑒謹

奏 同治十年十月二十六日

軍機大臣 字寄同治十年十一月初七日

上諭左宗棠穆圖善奏官軍攻破賊壘疊獲勝仗一摺

覽奏欣慰已明降諭旨宣示矣此次左宗棠等督軍渡
洮連戰大捷踏毀高家集等處賊堡斬馘萬餘並將三
甲集巨巢攻破軍威丕振賊胆已寒辦理極爲得手惟
由三甲集以西至太子寺賊壘林立其眷屬死黨均聚
集大東鄉負嵎抗拒亟宜乘此聲威節節掃盪左宗棠
已飭令傅先宗等先攻七甲集各壘卡直搗太子寺再
回攻大東鄉與諸軍分道並進調度甚合機宜著卽激
勵各軍剋期前進盡殄逆氛以竟前功另片奏中南兩
路官軍剿賊亦均得手現在中路平慶鹽圍一帶已就

肅清馬彥隆等逆賊併河川大東鄉一帶正可乘勢兜
圍聚殲醜類毋令四出蔓延副將王楚仁都司余植樞
楊振家殺賊指艦均著交部照例議卹南路各軍已將
河州竄出回股進剿殆盡尙屬出力准左宗棠稟案擇
尤保獎另片奏回目貝勒投誠等語密三禹得彥等悔
罪投誠原可網開一面惟必須責令直搗河州與賊接
仗立功方准收撫此中操縱機宜該大臣等務當妥爲
籌畫毋稍疎虞其投誠之陝回楊文彥及封台堡回目
馬應林等應如何妥爲安插之處並著察看眞偽相機

辦理將此由六百里各諭令知之欽此

同治十年十一月初七日內閣奉

上諭左宗棠穆圖善奏渡洮官軍攻克要隘連破賊壘一摺甘肅回匪麇聚三甲集黑山頭等處壘卡林立左宗棠等飭提督傅先宗等軍先後渡洮分路進攻先將高家集等處賊壘平毀生擒賊目馬五馬元亮正法十月初一至初十等日傅先宗率軍力攻黑山頭布政使王德榜等同時並進將鄧家灣三甲集附近賊堡一律掃除各軍設伏分兩路猛進風馳電掃立將黑山頭數

十里大小賊壘悉數剷平我軍要隘已得直抵三甲集
南山巔立營各隊分路包抄賊匪紛紛逃竄立將三甲
集以西村寨土堡淨掃無遺官軍卽分紮三甲集前後
以圖進攻剿辦甚爲得手仍著左宗棠等督飭各軍乘
勝進取將太子寺大東鄉等處賊巢節節掃盪迅殄逆
氛陣亡之總兵銜副將睦金城參將楊其昌均著交部
議卹副將喻友才副將銜參將廖嵩殷德益均著交部
從優議卹欽此

奏調譚鍾麟赴陝甘練習邊務片

丁憂在籍前任河南按察使譚鍾麟品正學優才識
卓越同治四年由御史出守杭州嗣署杭嘉湖道時值
浙江新復諸務創始譚鍾麟殫誠盡職百廢俱興凡關
國計民生者無不設法力行期有實濟臣督閩浙時深
悉其才臣調督陝甘譚鍾麟亦奉

命特擢河南按察使甫及三月刑政肅然旋以母憂去
任現計釋服已久臣念其人才實有可用未便任其閒
散可否飭令前赴陝甘練習邊務遇有缺出請

旨簡用之處出自

聖裁上不敢以鄉誼引嫌壅於上

聞謹附片具

奏伏乞

聖鑒訓示謹

奏 同治十年十月二十六日